

狄道州續志卷五

祠祀志


壇廟


狄道州續志

卷五

壇廟

—





狄道州續志

卷五

學宮圖

二

文廟禮數

文廟基址及創建重修諸人均見前志茲於同治二年城陷被燬同治十三年又經知州喻光容籌款建修大殿兩廡忠孝等祠其名宦鄉賢節烈祠櫺星門尙未修復

崇聖祠 暫立尊經閣舊址

東西廡 入祀先賢先儒姓名均見舊志其道光時從祀之先

儒唐陸贄明劉宗周呂坤黃道周孫奇逢光緒時從祀之先

儒漢許慎劉德宋輔廣游酢 國朝先儒陸世儀張伯行王

夫之黃宗羲顧炎武湯斌

德宗升孔子爲大祀典儀注節錄七條

一 神牌舊朱地金書今擬金地墨書

一 神幄及案衣舊制銷金紅緞今擬改爲黃雲緞

一 祭品舊制十籩十豆今擬加二籩二豆爲十二籩十二豆

一 樂舞舊制六佾今擬用八佾舊制專用文舞今擬添用武舞

一 臨文稱引 先師舊雙擡今擬改爲三擡

一 崇聖宮祭品舊制羊一豕一籩八豆八今擬加牛一籩二豆二

一 直省府廳州縣 文廟規制供奉禮器樂舞及

崇聖宮祭品並同太學行禮儀節仍遵舊制惟承祭官出入向

狄道州續志

卷五

文廟

三

例由左側門今擬改右側門不飲福受胙

祭器樂器因遭兵燹尙未置

祝文

光緒三十三年新頒

聖由天縱緬萬世師表之尊道協時中繼三代明倫之治學校
徧乎鄉國秩禮著在彝章仰維 先師孔子教範古今德
彌宇宙達天盡性淵源集羣聖之成守道尊經文軌洽大同之
盛稽崇儒之鉅典 先朝久重明禋擴興學之鴻規
懿訓特升上祀風聲所樹承矩矱於三雍教澤無垠廣陶甄於
百代大義炳如日月馨香永以春秋於戲玉振金聲億代猶存
夫愾慕麟祥鳳德八方莫外於尊親文治恢昭苾芬歆格

樂章 見舊志

木主定式 見舊志

文昌閣 奎星閣 光緒二十四年邑紳何建威捐修

名宦祠 燬

鄉賢祠 燬

忠孝祠 暫附鄉賢名宦兩祠在內

節孝祠 燬

道統祠 重建舊址

文昌閣 在東山燬

奎星閣 在東山燬

狄道州續志

卷五

祠宇

四

社稷壇 重建舊址

風雲雷雨山川壇 重建舊址

先農壇 重建舊址

城隍廟 重建舊址

關帝廟 重建舊址

旗纛廟 燬

馬王廟 重建舊址

厲壇 燬

八蜡廟 燬

河神廟 重建正殿五間餘缺

火神廟 重建正殿三間並東廊房頭門戲臺餘缺

金龍廟 燬

雷神廟 燬

藥王廟 重建正殿三間並頭門餘缺

東嶽廟 重建正殿後宮餘缺

二郎廟 燬

三聖廟 燬

祠宇

漢驃騎將軍霍去病祠 舊廢

漢左將軍辛慶忌祠 舊廢

狄道州續志

卷五

祠宇

五

唐文貞公魏徵祠 重建舊址

宋知夔州府事梁煥祠 燬

金總管佗滿胡土門祠 舊廢

元大司徒祁安祠 燬

明楊忠愍公祠 重建未齊

雙忠祠 重建舊址

文簡公何賢祠 舊廢

員外許允德祠 舊廢

少卿劉杰祠 舊廢

指揮晏雲祠 舊廢

貞靜順妃張氏祠 燬

會川伯趙安祠 重建舊址

縣令李勗祠 燬

御史曹英祠 燬

僉事劉朝麒祠 燬

御史雍焯祠 重建舊址

給事張萬紀祠 燬

報德祠 燬

驃騎將軍石崇德祠 舊燬

寺觀

狄道州續志

卷五

寺觀

六

龍泉寺 重建未齊

臥龍寺 重建未齊

萬壽觀 舊存後殿一所殿南新建呂祖殿三間餘缺

北極觀 觀內哥舒碑存餘燬

九華觀 重建大殿三楹餘缺

安積寺 重建寺內諸天樓一名藏經樓餘缺

東巖寺 重建未齊

西巖寺 重建未齊

西蜂窩寺 重建

西庵 重建舊址

北庵 重建舊址

寶塔寺 寺後熙春臺重建餘缺

公輸庵 重建舊址

總真觀 重建大殿頭門餘缺

太平觀 重建偏殿三楹餘缺

五瘟殿 重建舊址

斗母宮 重建正殿頭門餘缺

圓通寺 報恩寺 普覺寺 廣福寺 圓覺寺 隆禧寺

佛溝寺 石家寺 唐泉寺 亥母寺 正覺寺 石崖寺

廣通寺 乾清寺 法輪寺 下馬寺 福興寺 湯房寺

狄道州續志

卷五

寺觀

七

普濟寺 翠微寺 法雲寺 蜂窩寺 靈石寺 東華庵

慈蔭庵 在覺庵 祖師殿 均燬見舊志

重修學宮碑記

邑人 吳鎮撰
前沅州府知府
邑人 李芮書丹
廩生

狄道自改府為州遂以府學為州學其文廟廣大雄深以予所見自西安府學而外凡秦隴之郡邑皆不及也廟建於元大司徒祁安蓋嘗竭世勳之力大興土木以伸景仰自明以來經重修者屢矣我

聖朝康熙五十七年楊知府宗仁時守臨洮復修大成殿續添前簷規模闕敞足稱鉅觀迄今七十餘年矣屋瓦破漏淋雨及於

豆籩人皆傷之乾隆丙午仲夏有孝廉王者蘭李華春明經李
尚德王克勤生員何熙黃世濟等皆囊儒而好義者也各出硯
田之所獲以爲嚆矢其不足者則州牧田公及闔城士庶共伙
助焉凡醵錢二百三十餘釧文以資修補瓦甃新而椽題固前
簷及

御額金碧爛然又翻修

崇聖祠三楹東西廡一十八楹奎文閣二座樂器庫祭器庫及庖
廚省牲之所與櫺星門之扇格無不煥然一新工鉅而費約襄
其事者誠賢矣哉是役也鳩工庀材未煩胥役且更以其餘建
舉貢題名及護惜廟樹之碑是何督理之幸勤而經營之周到

狄道州續志

卷五

附碑記

八

也予故樂得而記之

重修文廟碑記

邑人李遇春撰翰林院
邑人許作璉書歲貢生

狄道文廟元大司徒祁公創建歷明三百餘年經重修者不一
至我

聖朝康熙五十七年制府楊公乾隆三十九年牧伯慶公五十二
年牧伯田公重修三次各有碑記迄今三十餘年殿廡剝泐祠
閣損漏觀者莫不慨然我牧伯陳公博學韓君會闔學紳士通
議修補而紳士等努力伙助踴躍爭先並募化城鄉士庶以及
各書房生童共千餘金因是舉貢生監輪流督工次第修理如
崇聖宮牌位金粧殿宇揭瓦畫五彩色供棹並俎案俱彩飾牌坊

添製門扇彩畫亦如之臺址並院皆以磚幔周圍牆垣俱甃磚覆瓦移建樂祭器庫五楹奐乎輪兮若

大成殿聖賢牌位俱金粧內龕供棹俎案鐘磬鼗鼓祝啟盡數彩飾左右龕添製門八扇磚幔臺址磚花圍檻兩傍月宮門牆俱以磚瓦甃之兩廡牌位金粧揭瓦彩畫並磚幔地址重修東西榜亭五間新建戟門三楹磚幔彩畫兩傍磚甃花牆櫺星門文明門俱揭瓦彩畫磚幔臺址魁文閣鄉賢名宦忠孝節義諸祠皆揭瓦彩畫創建碑亭三間周圍牆垣俱甃磚覆瓦前後東西角門俱揭瓦彩畫自辛巳二月起工歷次年八月告竣從前代重修以來未有巍然煥然如今日之盛者也是爲記

狄道州續志

卷五

附碑記

九

重修魏文貞公祠堂碑記

吳鎮

唐司空魏鄭公以直諫爲貞觀名臣功德旣遠報祀宜虔建祠洮陽則自前明始據魏氏族譜言成化時有知縣魏守大者卽公後裔而今洮陽魏氏之始祖也下車後曾建小祠於西街安積寺之南以便時謁後沒而家不能歸因籍狄道至今後世常奉祀不絕云祠入而圯明末及國初再重修之今年逾四百魏氏戶口益蕃而衣冠稱盛式廓祖廟固亦情理時勢之當然也祠舊材腐朽今徹其梁柱以爲門坊而別爲正室三楹東西廊各三楹階下雜植花木以妥神靈而伸孝旨魏氏子孫可謂盡心也已攷是祠前後翻修者明有魏巽蒙本朝有魏擢魏斐

及城鄉子孫等具載祠碑同治亂燬於火茲之鳩工它材從新建繪者有監生魏習舒董其成蓋習舒聰明諳練凡地方各工程每多勲贊亦魏氏中之錚錚者矣

明永樂皇帝敕諭臨洮地面大小官員軍民諸色人等文

朕惟佛氏之興其來已遠西土之人久事崇信其教以空寂爲宗以普度爲心化導善類覺悟羣迷功德之著無間幽顯有能尊崇其教以導引夫一方之人去其昏迷嚮慕善道強不至凌弱大不至虐小息爭鬪之風無侵奪之患上下各安其分長幼各遂其生同歸於仁壽之域同安於太和之世上足以陰翊皇度下足以勸善化俗興隆佛法一切之人咸臻淨樂功德所及

狄道州續志

卷五

附碑記

十

豈不遠哉今特須敕臨洮寶塔寺護持所在官員軍民人等務要各起信心尊崇其教聽從本寺僧人自在修行不許侮慢欺凌其常住一應寺宇田地山林場園財產蓄孳之類諸人不許侵佔騷擾庶俾佛教興隆法門大振而一方之人亦得以安生樂業進修善道若有不遵

朕命不敬三寶故意生事侮慢欺凌以阻其教者罰無赦故諭

重建寶塔寺碑記

邑人姚清太學生

郡治之東北里許昔人建寺於其地歷宋元明以來悉沿之然其始於何代興於何年前人之記載者廢落無餘今不遑臆稽第卽近代略言之先明宣德時有灌頂圓妙廣智大國師石闡

教其間迺 敕廓之爰建寶塔以培福基一切邪崇咸鎮定焉
永不爲洩患而經閣法藏構營尤弗一也仍封西天佛子大敏
法王因賜寺名曰寶塔極當年盛概殿閣崔巍擬以西天鹿苑
廊廡森列宛如離日雞園字髮 德文麗跋藍前明浩劫八平
三利波羅越下證普提蒼荀雙林雲裏鐘聲鳴寶刹仙星龍雨
梵天鉢月起飛甍不亦煌煌乎一大勝境也哉以故贊皇圖而
揚舞蹈者在於是祝聖壽而慶千秋者在於是讀德飲射講孝
忠而明慈讓在於是以及水旱災禳相祈禱而解脫者亦在於
是此地之所關詎僅與幽林空舍朝鳴鐘而夕拜誦者相等埒
也乎獨是崇禎間有禪師王恭竹者以金塔殿羅漢引臥龍寺
僧牛扎石爲徒相於翻雷音之貝葉闡金乘之心傳以追灌頂
先宗念沿之久而梵室漸圯也怒然其弗忍獨矢誠募化不憚
持鉢沿門而一時覺範所感遠近響應方庀工營度奈寇侵相
仍頻年不解竟弗成功及我

皇清御宇乃慶昇平有象工作伊始矣然未幾而邊氛屢告烽煙
弗靖於西北又未幾而滇黔頻警蠢動復起於東南金湟蜀隴
幾爲吳逆陷時也兵興旁午征繕不貲易梵室爲倉廩變禪關
爲蜀廠傾圮於以滋生欲施功而無由也

天威遐暢海宇削平數年來人安室家衽席相勉而爲善者咸以
捐修爲競競而住持今進階羅漢牛扎巴藏卜前府僧綱司都

綱司陳扎把杓那及其徒陳那卜堅坐牛那卜端竹者紹先師之夙願追圖覺之遺徽奮力廣募不以山川風雨間由是上焉卿尹有其施近而善信多其助然猶虞工作之弗給也適臨營信官朱君近泉締社眾以代募主功德以布金鳩工於康熙甲寅仲夏告竣於壬辰季春凡閱十六載恢恢乎殿廡重新不減當年盛概門廊炳蔚無殊前代宏模繼至今咒鉢生蓮碾石出水瞻七瀟而祥生日月之燈拜入平而瑞靄梅檀之雨將見皇圖鞏萬年之歷聖朝永千秋之算里社興仁家塾講讓八難三途俱入毘盧性海水旱疫侵超出金界彌天億萬斯年靖兵刑之氣盲泰甯之休優游於極樂世界也伊誰之力哉則不能不替云

狄道州續志

卷五

附碑記

十二

張兌溪先生牌坊額文

明給事

外坊 直聲青鎖 忠諫名臣 石牌坊 青史垂芳 表忠
昭德 丹心報主 左裏刻奏尹知府疏